



Urretxuko udala



UDAL JABARI PUBLIKOAREN ERABILERA PRIBATIBO EDO APROBETXAMENDU BEREZIAGATIK ORDAINDU BEHARREKO TASAK ARAUTZEN DITUEN ORDENANTZA.

I- XEDAPEN OROKORRAK

1. artikulua.-

Tokiko Erakunde honek, Gipuzkoako Toki Ogasunak arautzen dituen Foru Arauari jarraiki, Eranskinean zehazten diren tasak ezarri eta exijitzen ditu udal jabari publikoaren erabilera pribatiboagatik edo aprobetxamendu bereziagatik. Ordenantza honetan adierazten diren arauen arabera ezarri eta exijitzen dira tasa horiek, eta haren barruan geratzen dira jasota.

2. artikulua.-

Ordenantza hau entitate lokalaren lurralde eremu osoan aplikatuko da.

II- ZERGAGAIA

3. artikulua.-

Udal jabari publikoaren erabilera pribatiboak edo haren aprobetxamendu bereziak eratzen du zergagaia, baita erabilera publikoari lotutako beste ondasun batzuk ere.

III- SUBJEKTU PASIBOA

4. artikulua.-

1.- Honako hauek izango dira, zergadun bezala, subjektu pasiboak: pertsona fisikoak zein juridikoak, eta Gipuzkoako Zergen Foru Arau Orokorrak 33. artikuluan aipatzen dituen entitateak, baldin eta beren onura partikularrerako gozatu, erabili edo aprobetxatzen badute modu berezian udal jabari publikoa, uztailaren 5eko 11/1989 Foru Arauak, Gipuzkoako Toki Ogasunei buruzkoak, 20.2 artikuluan jasotzen dituen kasuen arabera.

2.- Espaloietan egokitutako ibilgailu sarrerak modu pribatiboan erabiltzeagatik edo haien aprobetxamendu bereziagatik ezartzen diren tasetan eta, oro bat, sarrera horiek eraiki, mantendu, aldatu edo kentzekoetan, zergadunaren ordezkotzat hartuko dira ibilgailuen sarrera horiei sarbidea ematen dieten finka eta lokalen jabeak. Horiek, hala dagokienean, onuradun desberdinei jasanarazi ahal izango dizkiete kuotak.

3.- Estatua, autonomia elkarteak eta entitate lokalak ez daude behartuta tasak ordaintzera herri jabariaren erabilera pribatibo edo aprobetxamendu bereziarengatik,



Urretxuko udala



zuzenean ustiatzen dituzten komunikazio zerbitzu publikoen aprobetxamenduetan eta, bereziki, herritarren segurtasunarekin edo defentsa nazionalarekin zer ikusia duten guztietan.

5. artikulua.-

Tasen ordainketa lizentziak beren izenean jasotzen dituztenek egingo dute, eta horien ezean, aprobetxamenduaren onuradun direnek.

IV- SALBUESPENAK, MURRIZPENAK ETA HOBARIAK

6. artikulua.-

Salbuespenak edo bestelako onura fiskalak aplikagarri diren xedapen orokorretan ezarritakoaren arabera emango dira.

V- OINARRI EZARGARRIA

7. artikulua.-

Oinarri ezargarrria udal jabari publikoaren erabilera pribatiboa edo aprobetxamendu berezia gauzatzen den unitate bakoitzak osatzen du, Eranskinean jasotakoaren arabera.

VI- KUOTA

8. artikulua.-

1.- Zerga kuota tarifa bat, espreski erabakitako kopuru finko bat edo, bestela, bi prozedurak batera erabiliz finkatuko da, Eranskinean ezarritakoaren arabera.

2.- Erabilera pribatibo edo aprobetxamendu bereziak udal jabari publikoa suntsitu edo hondatzen duenean, onuradunak, behar den tasari aurre egiteaz gainera, osorik itzuli beharko ditu berreraikuntza edo konponketa gastuen kostuak, eta haren zenbatekoa aldeztatik ordaindu.

Kalteak konponezinak badira, udalak kalte-ordain bat jasoko du. Suntsitutako ondasunen pareko balioa izango du, edo bestela, kaltetutako ondasunen zenbatekoarena.

Entitate Lokalak ezingo ditu barkatu, ez osorik ez zati batean, apartatu honetan aipatzen diren kalte-ordainak edo diru-itzulketak.

VII- SORTZAPENA ETA ZERGALDIA



Urretxuko udala



9. artikulua.-

1.- Udal jabari publikoaren erabilera pribatibo edo aprobetxamendu bereziagatik exijitzen den tasa hurrengo uneetan sortuko da zergagaiaren izaeraren arabera: erabilera pribatiboa edo aprobetxamendu berezia hasten denean, eta orduan zenbateko osoa edo haren zati bat aurrez ordaintzea exijitu daiteke, edota, bestela, jarduketari edo espedienteari hasiera ematen dion eskaera aurkezten denean; jarduketa ez da egingo edo espedientea ez da izapidetuko dagokion ordainketa egiten ez bada.

2.- Tasaren izaera materialak sortzapena aldizkakoa izatea exijitzen duenean, sortzapen hori urte bakoitzeko urtarrilaren 1ean gertatuko da eta zergaldiak urte naturala hartuko du. Erabilera pribatiboa edo aprobetxamendu berezia hasi edo uzten denean, ordea, zergaldia zirkunstantzia horretara egokituko da, eta kuotan dagokion hainbanaketa egingo da Eranskinean ezarritakoari jarraituz.

3.- Jabari publikoa erabili edo aprobetxatzeko eskubidea burutu edo gauzatu gabe geratzen bada subjektu pasiboarekin zer ikusirik ez duten arrazoiengatik, dagokion zenbatekoa itzuliko zaio.

VIII- LIKIDAZIOA ETA ORDAINKETA

10. artikulua.-

Entitate Lokalak kontzeptu bakoitzaren likidazioa egingo du, eta likidaturiko kopurua ordainduko da Eranskinak exakzio bakoitzerako ezartzen dituen arau partikularrei jarraituz.

IX- TASEN KUDEAKETA

11. artikulua.-

Ordenantza honetan arautzen diren tasak likidatu, bildu eta ikuskatzeari dagokion guztian, eta, halaber, zerga urrapenak kalifikatu eta kasu bakoitzean dagozkien zigorrak ezartzerakoan, Gipuzkoako Zergen Foru Arau Orokorrean jasotakoa aplikatuko da.

X- AMAIERAKO XEDAPENA

Ordenantza hau eta bere eranskina ondoren aipatzen den egunean onartu zen behin betiko, eta 2015eko urtarrilaren 1ean jarriko dira indarrean, eta aldatu edo indargabetzea erabakitzen ez den artean jarraituko du indarrean.

XI- ERANSKINA

Onarpena: 2014ko urriaren 30a



Urretxuko udala



A epigrafea: Hesiak, edukiontzia, garabiak, aldamiok, eskorak eta astoak

- Metro karratuko edo zatia, egunean	1,50
- Metro karratuko eta hileko	20,75
- Metro karratuko eta hiruhilab.	25,90
- Metro karratuko eta urteko	41,40

Tarifa aplikatzeko arauak:

a) Epigrafe honetan aipatutako obrak, justifikatu gabe, bi hilabetetik gora etenda geratzen direnean, tarifa hau aplikatzerakoan sortzen diren zenbatekoek %100eko errekgua izango dute hirugarren hilabetetik aurrera, eta obrak amaitutakoan aprobetxamenduak jarraitzen badu, %200eko errekgua aplikatuko zaie.

b) Fatxadak txukuntzeko jarri behar diren hesi eta aldamiok dagozkien tarifak %100 murriztuko dira; fatxadak margotzea eta horretarako behar diren aurre-lanak, zarpiatzea, lixatzea, e.a.

B epigrafea: Lubakiak edo zangak egitea.

-Metro karratuko edo zatiko, egunean:	4,90
---------------------------------------	------

C epigrafea: Postuak, barrakak, salmenta etxolak, ikuskizunak eta antzekoak

1.- Taberna, kafetegi eta antzekoak.	
- Metro lineal edo metro zatiko, egunean:	1,18
2.- Txurreiak, Txokolategiak eta ore frijituko mahaiak.	
- Metro lineal edo metro zatiko, egunean:	1,18
3.- Pastelak, gozokiak, gozoak, fruitu lehorrak, patata frijituak, bisuteria, jostailuak, liburuak etab. saltzeko txosnak.	
- Metro lineal edo metro zatiko, egunean:	3,55
4.- Tiro, txirringil eta bestelako jokoetako txosnak.	
- Metro karratuko edo metro zatiko, egunean:	2,31
5.- Tonbolak, zozketak, salmenta arinak eta antzekoak.	
- Metro karratuko edo metro zatiko, egunean:	2,80
6.- Mugimenduzko edozein aparailu mota.	
- Metro karratuko edo metro zatiko, egunean:	1,18
7.- Autotxoke pistak.	
- Metro karratuko edo metro zatiko, egunean:	0,48
8.- Ikuskizun eta antzerkiak.	
- Metro karratuko edo metro zatiko, egunean:	0,32
9.- Zirkoak.	
- Metro karratuko edo metro zatiko, egunean:	2,94
10.- Santa Lutzitako feria, kaleko salmenta postuak:	
- Metroko edo zatiko, egunean:	19,25



Urretxuko udala



- Postua ibilgailuarekin: eguneko	76,50
11.- Jai nagusiak, kaleko postuak:	
- Metroko edo zatiko, egunean:	9,05
- Postua ibilgailuarekin, eguneko:	76,50

Tarifa aplikatzeko arauak.

Feria tokietako lur sailak esleitzeko enkante sistema erabiliko balitz, Udalak kasu bakoitzean erabakitzen dituen oinarri eta baldintzen arabera egingo da enkantea.

D epigrafea: Udal bide publikoetako lurzorua, hegala eta lurpearen erabilera pribatiboa edo aprobetxamendu berezia

a) Hornidura zerbitzuak ustiatzen dituzten enpresen kasuan:

“Hornidura zerbitzuak ustiatzen dituzten enpresek udalerriko bide publikoetako lurzorua, zorupearen edo hegala bakarreko erabileragatik edo aprobetxamendu bereziagatik ordaindu beharreko tasa arautzen duen udal ordenantza fiskala” izeneko dokumentua ikusi.

b) Gainontzeko kasuetan:

1.- Mahaiak, mahaitxoak, aulkiak, parasolak edo antzekoak. Instalatutako mahaiko eta 4 aulki, urtean:	81,00
2.- Bide publikoan tinko ezarrita dauden terrazak eta aterpeak. - Metro karratuko edo metro zatiko, urtean:	25,00

E epigrafea: Bide publikoetako kioskoak.

Bide publikoan honakoak saltzeko jartzen diren kioskoak:

1.- Egunkariak, aldizkariak, ipuinak, liburuak eta antzekoak. - Kiosko bakoitzeko, urtean:	154,00
2.- Izoziak, freskagarriak, gozokiak, litxarrerriak eta antzekoak. - Kiosko bakoitzeko, urtean:	243,00
3.- Itsuen kupoak eta loteriak. - Kiosko bakoitzeko, urtean:	198,00

F epigrafea: Ibilgailuak espaloietan zehar finken barrura sartzea.

1.- Bost ibilgailu edo gutxiago sartzeko lokalak eta garajeak. - Ibilgailuko eta urteko:	9,60
2.- Bost ibilgailu baino gehiago sartzeko lokalak eta garajeak. - Plaza bakoitzeko eta urteko:	19,35

Erakunde industrialak eta konponketa garajeak: - Metroko edo zati bakoitzeko, urtean:	24,05
--	-------



Urretxuko udala



Tarifa aplikatzeko arauak.

a)Espaloietako pasabideen zabalera beheratutako espaloi-ertzaren metro linealek emango dute, beheragunea baldin badago. Espaloi-ertza ez badago beheratuta, ezta kenduta ere, neurria zabalera guztia izango da, hau da, kasu bakoitzean lokalean edo orubean sartzeko zuloaren luzera erabilgarri osoa.

b)Aparkalekuen instalazio, kontserbazio, berritzea, pasabideak kentzea eta erretserba, baita horien seinalizazioa ere, eskatzaileen kontura izango da.

c)Espaloi-ertzak sarrera errazteko beheragunea baldin badauka, aurreko zenbatekoek %50eko igoera izango dute.

G epigrafea: Espazio erretserba

1.- Garajeak edo establezimendu komertzialak eta industrialak (metroko edo zatiko, urtean)	57,00
2.- Erabilera partikularreko garajeak (metroko edo zatiko, urtean)	37,95
3.- Abeltzaintza edo nekazal erabilera duten lokalak (metroko edo zatiko, urtean)	19,00
4.- Espaloia aprobetxatu gabe, erretserbak hartzen duen errepidearen metroko edo zatiko, urtean	12,85
5.- Noizbehinkako beharretarako espazio erretserba (metroko, egunean)	1,65